



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### De Sacrificio Missæ Expedite Celebrando Libri III

Tamburini, Tommaso

Coloniæ Agrippinæ, 1661

Super illud. (Præterea in Ecclesiis, &c.[.]) Vbi præcipitur, ut mobilia relictæ  
pro Missis perpetuis, quamprimum investiantur in bonis immobilibus  
fructiferis §. 6.

**urn:nbn:de:hbz:466:1-41878**

benefacere loci Sacerdotibus, vel honorare Ecclesiam, vel quid simile, ut ex se patet.

## §. VI.

*Super illud §. primum II. Præterea, ne in Ecclesiis, &c.*

*Vbi precipitur, ut Mobilia relicta pro Missis perpetuis, quamprimum inuestiantur in bonis immobilibus fructiferis.*

**L**icet hoc Decretum primo aspectu videatur explicatione non indigere, involvit tamen difficultates non contemnendas.

*An Decretum hec loquatur de nondum acceptatis?*

2. **D**Vbitabis enim Primo. An si cui Ecclesie relinquatur aliquod mobile, pro onere Missæ perpetuæ, sed nondum Ecclesia



vel  
imi-  
Ecclesia acceptavit, obligentur Ec-  
clesiæ Rectores talem investitu-  
ram, seu applicationem exequi?

Respondeo, non obligari: quia si  
nondum Ecclesia acceptavit, cum  
suum non sit, de illo disponere non  
potest. Illud autem ex Regulis uni-  
versalibus supponas, cum, qui cau-  
sam dat irrationabilem, ne acce-  
pretur, juxta damnum, quod fa-  
cit, peccare, & ad restitutionem  
teneri.

*Quodnam mobile in vestiendum  
sit?*

2. **D**Vbitabis Secundo, de quo-  
nam mobili hic agatur? Re-  
spondeo, de omni, qualis est  
pecunia, argentum, aurum, suppel-  
lex, &c. quæ relicta sunt pro onere  
perpetuo Missarum.

3. Quod si Testator magnam  
summam pecuniæ pro Missis relin-

RE 4 quat-

a Barbof de appellat. verborum v.  
Bona. n. 5.



quar, nec explicet, an intendat relinquere pro perpetuis, an pro temporaneis, id est, simul eodem tempore dicendis, puro intelligi regulariter de perpetuis, atque adeo prædictam summam debere converti in annuos redditus, & investendam ad præscriptum hujus decreti. Ratio est, quia communiter non solet legari magna summa, nisi pro Anniversariis perpetuis. Dico (communiter) nam si legatum factum fuerit à Principe, aut valde divite, cum hi soleant magnam pecuniæ vim legare pro celebrandis simul multis Missis, pro his erit tunc pecunia distribuenda, semper habendo præ oculis Testatoris mentem, quæ ex circumstantiis, verbis Testamenti, & similibus est diligenter investienda.

*Quan-*

*a Bozac. de contract. disp. 1. quest. 17. p. 7. num. 6. §. ex quo sequitur.*



*Quando nam urget onus celebrandi  
Missas in hoc casu?*

4. **D**Vbitabis Tertio, quando-  
nam incipiat obligatio cele-  
brandi, statim ne post Depositu-  
m pecuniæ, an post acceptionem  
Ecclesiæ, an post factam investitu-  
ram Ratio est, quia tunc incipit sti-  
pendium, ergo tunc & onus, quod  
si propter culpam alicujus, res dif-  
fertur; is delinquet, & restitutioni  
erit obnoxius.

*In quonam bono Immobili debet ejus-  
modi mobile investiri?*

5. **D**Vbitabis Quarto, Eccujus  
conditio esse debeat bo-  
num immobile, ut huic Decreto,  
per investituram in illud, satisfiat?  
Potest nimirum talis pecunia im-

R r 5      plicari,

a March. de ord. tr. 3. p. 2. c. 15. n. 28,

§. Quæres quinto.



plicari, Primo in emendo aliquo prædio, domo, horro, pomario, molendino, vinea, vel simili.

Secundo, in emendo aliquo censu, seu annuo redditu perpetuo.

Tertio in extinguendo proprium censum, quo fortè gravetur talis Ecclesia, quæ onus perpetuum Missarum susceptura est.

Quarto, in solvendo residuum pretii cuius prædii, quod eadem Ecclesia, non dato toto pretio, forte emerat.

Quinto, in redimendo aliquod prædium, quod eadem Ecclesia forte vendiderat, pacto inito, cum ementibus, ut obligarentur, reddito ab Ecclesia pretio retrovendere.

Sexto, in imponendo censum super bona propria Ecclesiæ.

Septimo, in fabricanda parte Conventus.

6. Hæc fusè persequi pertinet ad Iurisperitos: pro nostro tamen instituto spectare forum conscientiarum.



tiz, Dico, in aliquibus exprimis  
 quinq; modis certum, in omnibus  
 iisdem quinque probabile saltem  
 esse, quod possit. Ratio universalis  
 est, quia ex verbis, & intentione  
 Decreti nihil aliud requiritur, nisi  
 ut pecunia illa, seu bonum mobile,  
 fiat immobile, id est, perpetuum, &  
 fructiferum, ut sic sustineri valeat  
 onus perpetuæ Missæ. At si pecunia  
 implicetur aliquo ex his prædictis  
 quinque modis, id sufficienter ha-  
 beretur. Ergo, &c.

In sexto, & septimo modo non  
 posse, mox patebit, nam discurre  
 breviter per singulos.

7 Quoad Primum, non videtur  
 esse difficultas, immo id maximè  
 intenditur; ut nimirum possideatur  
 ab Ecclesia bonum immobile, qua-  
 lia supponimus esse ea, quæ ibi nu-  
 meravimus, saltem quoad inten-  
 tum Sacræ Congregationis unde  
 annui fructus percipi soleant.

8. Quoad Secundum. Jus cen-  
 sus, seu jus annui redditus perpetui  
 immo-



immobile bonum est, & frugiferum: est enim perpetuum, & fructus reddit, quibus sufficienter, ut in humanis, & non minus, quam in alio immobili fundo, provideatur perpetuitati Missarum,

9. Quoad Tertium; dum extinguitur census, quem Ecclesia super sua bona aliis debet, quasi acquirit illum redditum annuum perpetuum pro se: quo acquisito, sustinere jam potest onus Missæ. Cavendum tamen est, ne Ecclesia etiam post extinctum censum, vel sit insufficientis, vel prudenter timeatur fore negligens ad novum onus, quod suscipit,

Non sic, si quis investit dictam pecuniam super bona immobilia suæmet Ecclesiæ exempta à simili censu, quia tunc nihil de novo acquirit ipsa Ecclesia, unde fructus habeat, ad onus Missæ sustinendum,

nam

a Barbof. de Appell. verborum v, immobilia n. 1.



nam propterea non posse a sic dictam pecuniam investiri puto.

io. Quoad Quartum, dum solvitur residuum illud pretii pro prædio perinde est, ac si pars prædii nondum empta nunc ematur: jam ergo satis pecuniæ in immobili bono implicatur.

ii. Quoad Quintum, quod est magis controversum, inde probatur, quia quemadmodum in prædictis quatuor casibus, ita in hoc quinto, satis pecuniæ investitur in re immobili, hoc est, in illo prædio, quod de novo redit ad Ecclesiam, quodque jam fructus reddit, quo pacto satis impletur mens Sacrae Congregationis. Quare non videtur Marchinus b consequenter loqui, dum cõcedit per prædictos quatuor modos satisfieri menti

S f Con-

a *Lezzana ex Bordonno v. Missa num. 37.*

b *Marchin de ord tr. p. t. 6. 15. n. 28.*  
 § *quæres ergo primo.*



Congregationis , non vero per hunc quintum.

12. Dices cum eodem Marchino; potest occurrere, ut anteriores creditores , quorum hypotheca non remansit extincta per venditionem subsecutam ; sed rem venditam associavit, semper agere valeant contra prædium retroemptum, & illud evincere, atque adeo posset amitti legatum.

Confirmatur, quia Sacra Rota propter hoc fundamentum in simili quadam quæstione rejecit hunc quintum modum.

13. Respondeo, advertendo prius, quod in omnibus investituris, semper , præ oculis haberi debet, immobile, in quo pecunia applicatur, non debere esse ita aliis hypothecis , seu obligationibus affectum ut sit periculum, quod ab aliquo evincatur cum damno legati. Quis enim legitimè implicabit pecuniam

a Sacra Rota apud Farin. 1. 2. decis. 63.



cuniam in emendo prædio, in quod  
 uxor v. g. habet jus suarum dotiũ,  
 vel quid simile? certe hoc esset pe-  
 cuniam perdere non implicare.  
 Hoc posito. Dico non esse mirum,  
 quod, si in illo prædio retrovendi-  
 to sint anteriores Creditores, non  
 possit inibi investiri pecunia, quia  
 instat periculũ dictum, jam ergo,  
 si non sint ejusmodi anteriores,  
 poterit, atque adeo stat nostra do-  
 ctrina, quod ex vi retrovenditio-  
 nis, possit. Ceterum, & in hoc  
 quinto, & in aliis præcedentibus  
 modis semper similia pericula à di-  
 ligente negotiatore cavenda sunt.

14. Ad confirmationem Res-  
 pondeo, Sacram Rotam ideo in illa  
 decisione hunc quintum modum  
 rejecisse, quia contra prædium re-  
 trovenditum timebantur, & for-  
 tasse aderant anteriores, non au-  
 tem ex vi contractus retrovendi-  
 tionis, ut dictum est.

Quoad Sextum dictum est obi-  
 ter num. 9.

Sf a

Quoad



Quoad Septimum dico non esse audiendum doctiss. Bordonum a docentem, dictam pecuniam posse implicari in fabricanda parte Conventus, vel in alia re simili non faciente actu fructus. Ratio est jam dicta, quia sic non implicaretur eo modo, quo requirit Sacra Congregatio, hoc est, ut possit ex ejus fructu onus Missarum sustineri.

Denique adverte non solum bona immobilia, in quæ dicta pecunia erit implicata, si contingat auctoritate Pontificis alienari, debere ejus pretium in alia immobilia investiri toties, quoties; sed etiam si contingat alienari cum eadem facultate bonum immobile v.g. Fundum, Molendinum, domum, &c. relicta à Testatoribus, ut cum eorum fructibus sustineantur onera perpetua Missarum. Ratio non solum ducitur ex eo, quod hæc sunt bona Ecclesiastica immobilia, atque adeo eorum pretium immobile

repu-

*a Bordon in Concil. Reg. ref. 25. n. 14*



reputatur, & consequenter id tu-  
per aliquod bonum stabile venit  
investiendum: sed etiam quia dum  
Sacra Congregatio ita disponit de  
immobilibus emptis pecunia addi-  
cta illis Misfis: multo magis id  
disponere videtur, (& quidem sub  
iisdem pœnis) de similibus immo-  
bilibus relictis pro dictis perpetuis  
Misfis,

*Quantum extendatur illud (quam  
primum investiendi.)*

15. **D**Ubitabis: Quinto. Quan-  
tum siue hæres siue qui-  
cumque alius, ad quem pertinere  
contigerit, expectare, sine scrupu-  
lo, poterit, ad dictam pecuniam  
investiendam?

Respondeo, etiam simultum ex-  
spectet quando non invenitur mo-  
dus utilis investiendi ad præscri-  
ptum Testatoris, non peccat: quia  
illud (quamprimum) intelligitur,

§ 2

Quam-



Quam primum prudenti, & utili negotiatione poterit.

At si expectetur ex mera negligentia, tunc erit culpa, quando infert grave damnum Testatori, cum is scilicet per executoris negligentiam fundatarum Missarum suffragiis defraudatur. Non est tamen id Metaphysicè expendendum, sed moraliter, ut ea cura adhibeatur, eoque tempore fiat, quo similia gravia negotia fieri communiter solent, quod potius arbitrio prudentis, quam certa regula definiri valet.

*Quantum extendatur illud statim pecunia deponatur. Et quid significet illud Ædem Sacram.*

Quod intra triduum fit, fieri statim, habemus in jure: & poterit ergo talis depositio fieri intra

a L. fin. C. de errore Advoc. & L. fin. C. de Iudiciis.



tra triduum : & merito, nam si majorem celeritatem vellemus, nimis stricte leges, quæ debent esse humanæ fragilitati accommodatæ, interpretaremur.

Ædis sacræ nomine puto intelligi locum forte in tali Monasterio, vel Ecclesia destinatum ad hæc similia deposita gravia conservanda; qui, si non sit, jam monet Sacra Congregatio, ut deponatur apud personam idoneam. Cum autem ea loquatur sub illa disjunctione *Vel*, puto, etiamsi adesset tales Ædes sacræ te posse apud personam idoneam conservare, etiamsi ejusmodi persona esset proprii Monasterii; dummodo sine fuco, & fallacia secura judicaretur pecunia, quod scilicet in alios usus non consumeretur. Ratio est, quia jam satis superque finis à lege intentus haberetur.



*Quid intelligatur per illud) pro  
Missis perpetuis.)*

16. **D**ubitabis Sexto, An pecunia relicta non pro Missis dicendis in perpetuum, sed in longum tempus v gr. pro quadraginta vel quinquaginta, vel centum annis, ex vi hujus Decreti, sit, modo dicto, investienda?

Respondeo negative *a* Ratio est, quia illud *perpetuum* significat proprie *b* tempus non habens certum finem, esto aliquando tempus centum annorum Immo infra centum annos, dicatur etiam perpetuum, In legibus autem benignior semper interpretatio est facienda, ut quanto minus possumus libertatem lædere concedamus. Possunt tamen ex alio capite astringi ex-

cuto.

*a* *Lexxana v* *Missis numer 37. Bordon in cons. Reg. res. 25 n 36.*

*b* *L. Iuris peritos ff. de excusat. tit.*



cutores, vel legatarii à investien-  
dum, ut scilicet tamen pecuniam  
fructuose investiant, quo securius  
dictum onus à Successoribus pro  
suo tempore, impleatur.

## §. VII.

*Super illud §. primi nu. 12. Ad hac  
Sacra Congregatio, &c.*

*Vbi*

*Præcipitur ne suscipiantur onera per-  
petua sine licentia.*

**I.** PRÆcipit Sacra Congregatio  
sæcularibus Sacerdotibus sub  
Interdicto ingressus Ecclesiæ, &  
Religiosis sub privatione, & in-  
habilitate ad Officia, privatione-  
que vocis activæ & passivæ, ipso  
facto, incurrendis, ne suscipiant  
onera perpetua Missarum, sine li-  
centia in scriptis, & gratis conce-  
denda ab Episcopo, seu Vicario

Si 5

Gene-